

正德瓊臺志

九

瓊臺志卷第二十七

郡人唐胄編集

寺觀

釋道三代以下不能禁瓊僻宇宮自少

國初又經歸併今紀

祝慶大所外而諸遺址亦及者非重也資博雅者之欲知爾

瓊山縣

寺類

堂廟庵塔附後倣此

天寧寺在城北一里西廂宋建為天南寺元改今

名國朝洪武癸酉僧錄司差人照例歸併原

無名額庵堂作一寺因析天明堂殿宇於今基

建兩廊普庵六祖講堂丁丑指揮桑昭捐財重  
建二殿三門其佛像係各處歸併一應額扁俱  
教諭趙謙所書郡邑於此習儀永樂間知府王  
脩扁其門曰海南第一禪林宣德間僉事龔鏊  
復書其扁正統六年文昌鄉老韓真祐捐財重  
建正殿八年知府程瑩以湫隘又闢地遷其構  
於後爲觀音閣于址重建大雄寶殿暨諸樓閣  
法藏齋堂僧舍咸備

御史唐舟  
記見碑

成化間都綱普

明重建二堂及外門

知縣陳暉  
記見碑

正德丁丑秋善

慧捐其積財重建觀音閣及脩正殿普庵堂四

天王等宇

教授莊文文記善慧俗姓鍾爲海南衛隊長鐸之女絕欲出於天性早喪

父稍長喜誦佛家言即蔬食欲求爲佛家弟子若母張與兄璉不能奪其志聰築室以崇奉三寶諸佛城中富貴家善女人聞善慧名者多來視來則必遺金帛以資膏茗善慧亦受之不辭然性甘淡薄銖銖矣費無有也積久効俗人事質當日增月益撫其積貫有將朽者一旦忽悟曰佛以空爲教而其說惡貪吾積此將焉攸用故早歲遂能新江東祠至正德丁丑見城此天寧寺玄妙觀諸殿宇傾圯殊甚乃慨然以起廢爲任召工掄材先圓通殿次大雄殿次四天王殿次普庵堂次觀大門次通明閣等宇其諸佛像皆金粧雕繪而一新之經始於是年七月落成於明年九月費金幾叁百兩其用亦云廣矣志亦可謂不屈矣功亦可謂有成矣鐸之孫善

慧兄子名遠者游郡庠具事跡徵予記因爲書  
此他若飾三清五嶽神像修真武宮簷宇捨城  
東比丘尼常住田及新其佛像諸事亦可附見  
故皆因其實與脩寺觀諸事跡併鏡于此石之  
後正德戊寅  
歲仲冬望日

開元寺即古乾亨寺宋建在南橋後廢

普明寺元至治元年辛酉文宗潛邸于城南創觀

音閣及還戊辰即位賜名大興龍普明禪寺置

規運提點所設官六員命翰林撰記

學士虞集  
記皇帝遣

工部尚書

臣士弘翰林命

臣世延等製大興龍

普明禪寺碑文皇帝若曰昔我皇考武宗皇帝

撫軍朔方朕生之三年歸繼大統在位四年而

棄群臣仁廟臨御傳之英皇是時權姦帖木迭

用事構譖離間宗親近屬綏無所容海南之爲  
地炎霧噴毒往鮮生還而使朕居焉越歷歲年  
有安無苦朕於是覃思以求豈非上天垂祐祖  
宗洪庥而致然歟乃捐金鳩工瓊陽之勝地建  
釋氏之精藍以答天地祖宗昭貺以介福于太  
皇太后又以綏保其民人焉創始于至治元年  
十月六日締構雄麗嶺海之間鬱爲奇觀朕雖  
未嘗躬落其成而想見其處常往來于懷也臨  
御之始慨念疇昔因賜名曰大興龍普明禪寺  
其記朕意托諸金石俾示悠久臣世延等拜手  
稽首颺言曰昔者大舜歷試諸難殷王高宗舊  
勞于外蓋惟賢聖之資尤必困心衡慮而後膺  
天下之大任而行帝王之能事也今陛下躬冒  
瘴癘備嘗險阻則其所以下悉民情上成聖德  
者夫豈一日之積哉且夫頓挫沉離之餘人之  
常情豈暇他故而陛下於茲時也曾不動其心  
顧方倦上君親之恩閤上黎民之苦量已見於  
建大佛寺以致其誠嗚呼君天下之量已見於

此矣不亦盛乎且臣聞之天之所以照臨萬國者日月之明也茲於淵潛之所錫龍興之美名俾天下之人咸仰觀於隆平之效炳赫奕以致於萬億年而無窮又豈溟渤之外獨得而私乎敢述銘而刻之詞曰於惟聖元受命自天本固支分正緒由傳天相後德櫛沐風露以恬而康貞幹之固旆龍旂來歸孔時臣力師武至公何私肅青宮夙夜俟戴固辭固讓至三至再赫平當陽思舊不忘曰我梵祠在彼海邦昔瞻廟朝莫獲近只親瞻下氓鎮崖病只言依佛乘自我祖宗曷既于懷於焉作宮惟天祖宗錫我景貺茲不表章闕彼願望乃賜嘉名如日月之升文臣授詔刻石以徵咨以島隅龍君海伯波瀾不驚各率厥職鏗鉦鼓鍾來儀來朝內響而超天子匪遙嗟嗟遠人天子念尔念尔艱食離征用弛天子無為一日萬機孰不勞心而尔是思尔有耄老尔有婦子均感殊眷何間遠邇蔚蔚斯文金石相宣謳歌欣愉於斯萬年

己巳撥隸隆祥總管府庚午改爲營繕都司仍  
舊秩正四品以掌營造出納錢糧之事定置達  
魯花赤司令大使副使各一員知事一員提控  
案牘一員賜鈔萬錠市末業地其規模雄麗冠  
於嶺海壬申以閩海僉憲阿剌護世來長營繕  
事

達魯花赤何刺護世大使帖木兒不花  
副使黃金副知事勞士志照磨張讓

愈增

崇構今廢

禮拜寺在土城北街巷內宣德初軍海蘭荅建廢  
壽佛堂在城東一里元文宗潛邸從僚撒迪建廢

延壽堂在城東一里元文宗潛邸時撒迪建廢

彌陀堂在城東二里原宋彌陀道場荒址元泰定二年憲僉撒迪見茅屋住尼妙性乃爲建堂至順三年普明寺營繕都司達魯花赤阿剌護世同鄉老唐締重脩國朝正統間知府程瑩逐尼罷庵田給里戶耕納景泰末鄉人私招尼歸復正德庚辰汪僉憲克章復毀以堂爲社學新更撥供府縣二學

水月堂在城東五里東廟宋建廢

天明堂在城北七里海口都元懿憐真班謫居建

後憲副也先不花重脩 國朝洪武甲子僧顏

堂主大其規模與新堂宇塑飾佛像癸酉有例

歸併遂遷堂宇及佛像於天寧寺

天寧寺 堂聯文宗

隣真班因取以名然也先不花未聞至瓊其大

德間平章湖廣子按攤雖宣慰海南然其年即

脩其誤無疑若以為至正庚寅督移肆烈樓驛

者則又雷判非憲職必脫別先不花至正間以

廉訪副使按郡時脩之而志誤書為也先也

老佛廟在東門內大街祀普庵

神姓余名印肅宋

點心長果悟道庵隱

初元時普庵有二堂一在

南嶺後全身入塔海口久廢一在郡城東水關上其神像即今所

祀者 國初展城堂亦廢弘治間鄉人始獲其

像乃復廟祀於此故號曰老佛唐曹記佛覺也

焉由辟以報也古者祀以祈報皆天子百縣有

司上帝天宗川源田社之祭自佛入中國以來

漢武明帝楚王英梁武元魏唐憲宗諸人信好

之未見獲福且更有禍豈真如禮所謂弭災兵

遠罪疾之可報哉普庵又後善知識之悟佛者

自虔肅再化以占佛弘願示現閭浮大演南宗

靈赫炎土自宋紹興以來從法者又望南泉祖  
師一輪矣瓊郡城東地荒窳多疫勝國至元間  
嘗廟師於水關上隍之國初城展廟祀屢廢  
入仍災疫弘治間尤特甚余先君榕庵嘗建議  
移郡倉開東河以鎮之未幾鄉老楊君祥獲師  
銅像於原住持者張氏之後背著求鎮東關四  
言左袖捐紀造鑄人氏白諸郡復迎廟於東分  
司之傍人果大安以僻陋莫遂作禮之虔乃募

緣買地移造於表政之通衢何放智作經之佛  
祖不能庇人當時而佛佛者乃能覺濟於後世  
哉豈古稱治病以心為主世俗信佛已久今借  
其名以主之則危者恃以定來者倚以趨物聚  
氣昌陽明勝而陰厲消矣則雖不必佛之祐人  
寧非必佛能定人心之功哉況佛老之學雖淪  
虛寂然皆自以爲心性之實非僞以欺人孔子  
非不知老氏之已異也然亦以猶龍稱之蓋以  
彼雖偏然亦有自信之實故其言能變化叵測  
耳近喜談道者有言曰今世學者莫不知宗孔  
孟攢老釋聖人之道若大明於世然從而求之  
聖人吾不得而見之矣其能有若老氏清淨自  
守者乎釋氏之究心性命者乎彼於聖道雖異  
然猶有自得非若今之學者以仁義爲不可學  
性命之無益而徒取辨於言辭之間余喜其見  
之有似於孔氏也今觀師積十有二年之脩念  
自領牧庵豎拂一歸之旨遂悟華嚴情忘休合  
之妙則靈智之契自大鑒無樹非臺之後孰能

當三十三傳之衣鉢哉宜乎假其名與像猶足以信後人若是也且天地大矣何物無之傳紀師之靈異如屍仙奴神點雷割電之說紛々固難盡信然既教本慈悲法悟上乘陰假有靈自當明世亦理之或有也神惟夫子不語而已豈真以為無哉廟成楊君求余文刻碑以來其傳且鐫檀越名氏於其陰余喜其事與先君舉河倉同一利鄉意也故不辭而書之正德丙子春

觀音堂閣凡三處俱元建一在城南一在道右一

在郡東三十里小林都在城南者卽文宗建後改為晉明寺餘二處俱因 國朝洪武癸酉有例歸併菴宇而廢佛像俱遷天寧寺道右舊基今爲江東祠永樂間指揮楊義委楊岱宗復募

建後堂仍祀觀音又海口城南內亦有觀音堂  
三滴水堂在城西十五里上博崖都宋建下有石  
橋數十丈跨溪水上建三級樓皆以石爲柱中  
塑三寶像山明水秀允爲勝境樵者多憇息

三山庵在郡東五十里符離都惠通泉側

彌陀塔在城東二里彌陀堂後

丁村塔在縣南五里大來都元鄉人建

天明塔在郡北七里海口都元至治初文宗潛邸  
時登岸抵此天明因創故名歲久傾廢 國朝

正統間指揮李翊追慕古跡於其地建坊扁曰

天明古記

張吳塔在縣東南十里張吳都宋時鄉人建

東岸塔在縣東十里上東岸都元鄉人建後江決

蒼驛塔在縣西十五里蒼驛都元鄉人建

買榔塔在縣西三十里未都元鄉人建

石山塔在縣西四十里上石山都元鄉人建

雷順塔在縣東四十里小林都元僧無我建

梁老塔在縣南六十里梁老都宋鄉人建

**觀類**

殿堂宮附

玄妙觀在城北一里宋建為天慶觀元改今名乃  
郡祝釐之地天曆二年立海南營繕提點所秩  
正四品隸隆祥總營府有正一道士百餘員  
國朝洪武辛巳壬午間遷前約有十五丈永樂  
癸巳照磨廖均錫捐財重建知府王脩扁其門  
曰瓊臺仙境宣德間僉事龔鏹復書其扁正統  
十四年知府林澄募緣再葺正德戊寅善慧捐  
財署觀周日昊重脩

玉皇殿在城東河口宋鄉人募建範銅爲像廢  
佑聖堂其神姓茅名盈即漢明帝時天書降稱與  
聖帝同簽生死管陰府事者宋太宗封今號堂  
在城一里東廂宋祥符間鄉人建今廢

醫靈堂方輿志一在城東一在西廂皆鄉人建廢  
三官堂在城南一里元文宗潛邸時撒迪建廢

真武宮在城中府西南百步許祀真武玄天上帝

**殿**嶺南學規云真武本玄武龜也武蛇也乃  
北方宿之名宋真宗避祖諱改玄爲真道家謂  
爲淨樂王太子修煉功成上帝命  
鎮北方故今像設而作龜蛇於下  
**元建**